

Alkitab Buat Bocah

Nampilin



Daud Sang Raja (Bagian 2)



Nyeng nulis: Edward Hughes

Nyeng bikin gambar: Lazarus
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org


©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.

1

Daud jadi raja Yehuda,
di sebelah kidul Israel.
(di Palestina Kidul).

Tapi orang-orang
Israel nyeng laen
ngambil Isyboset,
anaknya Saul
nyengn jadi
raja. Perang
sodara terjadi
selama tujuh
taun. Tapi
Daud tumbuh
makin kuat.



2

Ujung-ujungnya raja Isyboset
dibunuh ama dua orang tentaranya.




3

Lantas semua anggota suku dateng pada Daud dan
ngeberkatin dia jadi raja buat Israel.




4

Hal nyeng pertama-tama dikerjain sama Raja Daud
itu ngerebut Yerusalem. Lantas kota ini dikenal
Kota Daud. Dian ngebangunnya lagi jadi benteng buat
ngelawan musuh-musuh. Dari Yerusalem, tentara-
tentara Daud keluar buat ngalahin orang-orang Filistin
ama musuh-musuh Israel
laennya.




5

Lantas, Raja Daud
ngebawa Tabut
Tuhan ke Yerusalem.
Tabut Tuhan itu
berisi salinan dari
sepuluh aturan ama
aturan-aturan laen
nyeng dikasih Tuhan
kepada Musa. Tabut
itu ngingetin orang
Israel kalo Tuhan itu
Kudus dan mereka
kudu nurut ama Dia.



6

Daud kudu perang
dalem banyak peperangan
pada awal taun-taun
pemerintahannya. Dia
itu tentara nyeng arif,
nyeng kaga angkuh nyeng
terus-terusan sembahyang
kepada Tuhan buat minta
pimpinannya.




7

Daud ngerasa keganggu
karena dia punya rumah
megah buat dia netep
tapi Tabut peringatan
Tuhan ada di dalem
tenda. Daud mutusin
buat ngebangun
Rumah Tuhan.
Natan seorang
nabi Tuhan,
bilang sama dia
supaya segera
dimulain.



8




Malem itu, Tuhan ngirim satu utusan kepada Daud: "Daud abdiKu, Tuhan bakal ngasih keturunan buatmu. Kalo umurmu udah genep dan


kamu udah ngedapetin peristirahatan bareng-bareng nene moyang kamu, lantas Aku bakal ngebangkitin keturunanmu nyeng selanjutnya, anak kandungmu, dan Aku bakal ngokohin kerajaannya."

9

Daud pengen ngebantuin keluarga Saul nyeng masih idup. Dia cuman pengen nemuin anak Yonatan, Mefiboset nyeng lumpuh. "Dia bakal tetep makan semeja sama aku," Daud bilang. Daud bae sama Mefiboset karena Yonatan itu sohibnya nyeng bae.




10



Selagi Daud percaya ama nurut kepada Tuhan, Tuhan nulungin Daud biar dia bisa berhasil. Tapi satu ari, satu bayangan jelek nyelimutin keidupan Daud.


11




(Dia ngirim tentaranya buat perang, sedang dia tinggal di Yerusalem). Satu malem, dia kaga bisa pules. Dia jalan-jalan di atas atep rumah dan ngeliat kota dari atep rumah itu.

12

Daud ngeliat seorang perempuan cakep nyeng lagi mandi. Namanya Batsyeba. Daud bikin dosa sama Batsyeba meski lakinya, Uria, itu salah satu prajurit Daud nyeng gagah berani. Lantas Batsyeba bilang sama Daud kalo dia bunting, Daud tau kalo dosanya bakal bikin lebih banyak persoalan.




13



Daripada ngaku sama Tuhan, Daud malahan nyoba buat nutupin dosanya. Semua itu kaga pernah dia kerjain sebelumnya! Dia manggil Uria supaya balik dari peperangan, ngarep Uria bakal pulang ke rumahnya dan mikir kalo orok nyeng ada di dalem perut bininya itu anaknya. Tapi Uria kaga mau pulang ke rumahnya selagi tuannya ama tentara-tentara nyeng laen ada dalem peperangan. Uria pules di pintu gerbang istana raja.

14



Lantas Daud ngelakuin satu hal nyeng lebih jahat. Dia ngirim lagi Uria balik ke peperangan ama selembur surat. Dalem surat itu dibilang kalo Uria kudu mati dalem peperangan. Pas Uria mati kebunuh, Daud ngambil Batsyeba jadi bininya.



15

Tuhan ngirim abdiNya, Natan, buat nunjukin Dosa Daud. Natan nyeritain sama Daud satu cerita tentang orang kaya ama orang melarat. Orang kaya punya ratusan domba. Tapi si orang melarat cuman punya satu domba kecil, nyeng dia anggep jadi anak perempuan buat dia.



16

Pas ada tamu dateng ke rumah orang kaya itu, orang kaya itu kaga mao motong satu dari dombanya buat ngasih makan tamunya itu. Malahan, dia ngambil dan motong domba kepunyaan si orang melarat itu.




17

Daud marah banget ama orang kaya itu nyeng mentingin dirinya doang. Dia bilang, "Orang nyeng ngelakuin hal nyeng kaya gitu kudu dihukum mati."



18

"Kamu itu orangnya" dengan berani Natan bilang sama Daud. Apa nyeng Daud lakuin lebih jelek dari nyeng dilakuin orang kaya dalem cerita itu.



19

Tuhan nunjukin sama Daud jahat banget apa nyeng udah dia lakuin. Dan Daud ngerasa nyesel ama dosanya. Dia bilangn sama Tuhan, "Aku udah bedosa sama Tuhan." Dan Tuhan ngampunin dosa Daud. Tapi orok Batsyeba sakit parah dan mati seabisnya diberanakin.



20



Tuhan nganmpunin Daud dari dosa nyeng jahat banget. Lantas Batsyeba ngeberanakin anak nyeng laen, Salomo, nyeng bakalan jadi seorang raja gede sesudahnya Daud. Tapi raja Daud punya banyak anak nyeng laen, sebagian dari mereka ngebawa Daud dalem kesengsaraan nyeng hebat.

21

Daud Sang Raja (Bagian 2)


Sebuah cerita dari perkataannya Tuhan, Alkitab

Ditemuin di

2 Samuel 1-12

"Palang pintu Firman Engkau ngasih terang."
Mazmur 119:130

22



21



60

23

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

24